

## فيديو #٨١ من مقاطع حظر التجول تدبر سورة يوسف #٣

الآيات: ٣١ - ٨١

فاضل سليمان

السلام عليكم. الشباب بتوع اليوتيوب قولوا لي بسرعة الصوت طالع ولا لأ في صوت ولاعة عندكم؟ ها في صوت ولا لا يا جماعة عندكم صوت؟ بسرعة ردوا علي طب الحمد لله. يلا. السلام عليكم ورحمة الله وبركاته. اهلا بحضراتكم في المقطع رقم مية وثمانين من - 00:00:00

مقاطع حظر التجول والمقطع رقم ثلاثة من مقاطع تدبر سورة يوسف بسرعة افتحوا المصاحف وخليني افكركم ان صورة يوسف تتميز عن باقي الصور في انها تحمل قصة واحدة على بعضها. ده مش عيب على فكرة في الصور الثانية ولا عيب في القصص الثانية - 00:00:33

لكن هو ده بيميزها عنهم يعني دي بيديها وضع خاص عنهم. صورة زي او قصة زي قصة موسى عليه الصلاة والسلام اعمل كم من العزات والعبر كبير جدا فكان لابد ان يؤخذ منها جانب او زاوية لكل صورة بما يناسب الصورة. فمثلا - 00:00:54

الصورة بتتكلم عن العقيدة بتاخد منها الزاوية بتاعه قوة العقيدة وقوة تأثيرها في الناس بتاخد منها مسلا الجانب بتاع الصحرا الصورة بتتكلم عن النفاق تاخد بقى مسلا الجانب بتاعبني اسرائيل بعد ما عبروا البحر وقرروا يبعدوا العجل وهكذا. انما سورة يوسف - 00:01:14

قصة واحدة وردت كوحدة واحدة القصة الوحيدة برضه كوحدة واحدة بالشكل ده وكمان القصة دي لها ايقاع سريع جدا. ليه لان المشاهد بتاعتتها مشاهد سريعة. يعني المشهد الاول من الآية ثلاثة للاية ستة - 00:01:33

الطفل يوسف بيحكى لابوه عن الرؤية. وابوه بيوصيه ما يحكيش عنها لاخواته. اللي هي المشهد اللي بيبدأ يوسف لابيه يا ابتي اني رأيت احد هذا عشرة كوكبا المشهد الثاني وراه على طول من الآية السابعة للاية عشرة - 00:01:53

اللي هو المشهد مشهد المؤامرة بتاع اخوات يوسف وهم بيتأمروا. المشهد اللي بيبدأ بإنقال اذ قالوا ليوسف واخوه احب الى ابينا من المشهد الثالث وراه على طول مشهد الخديعة اللي احنا فيه دلوقتي - 00:02:09

لما ابناء يوسف اسف لما ابناي يعقوب خدعوه واقتعوه ان هو يرسل معهم يوسف. اللي هو من الآية حداشر للاية اربعيناشر المشهد اللي بيبدأ بقاله يا ابنا ما لك لا تأمنا على يوسف وانا له لناصحون - 00:02:25

وقلنا امبارح انهم استغلوا عاطفة الاب الذي يريد ان ابنته يأكل كوييس ويلعب ويبقى مبسوط وسعيد اقرأ مع الآية اتناشر اللي هي اخر آية تقريبا خدناها امبارح. ارسله معنا غدا يرتع ويلعب. وانا له لحافظون. وقلنا حتى كلمة - 00:02:45

ما بتتقلش على البنى اذيك يا مراد في كلمة يحش يأكل كتير يعني يطحن اكل يعني نبدأ بقى النهاردة بتدبر الآية تلتاشر اقرأ مع الآية تلتاشر. اعود بالله السميع العليم من الشيطان الرجيم - 00:03:02

قال اني ليحزنني ان تذهبوا به واخاف ان يأكله الذئب وانتم عنه قواقلون قال اني ليحزنني ان تذهبوا به واخاف ان يأكله الذئب وانتم عنه غافلون. احيانا بشرب كده وانا بقرأ الآية دي - 00:03:19

ان يا ريتكم يا سيدنا يعقوب ما كنت قلت كده انت ازاي تكون الهمتهم الفكرة اللي يقولوها بعد ما يتخلصوا من يوسف كانوا هيدوروا على حجة. فانت زي ما تكون اديتهم لغاية اديتهم الحجة يقولوها - 00:03:42

وانا ارجع واقول ياد يا فاضل بلاش سزاجة الانسان المراوغ والمخداع والكذاب مش هيغلب ودايما كان هيلالي حجة يقولها اللي  
سيدنا يعقوب عمله الحياة زكي انه حاول يسبق الاحداث واقطع عليهم الطريق ويحزرهم من ان الحجة دي مش هتمشي -

00:03:56

الحاجة اللي هم ممكن يقولوها قطع عليهم الطريق وفكراهم ان هي ما تحصلش انك لما تقول مسلا لموزف عقلك عندك مسلا موزف  
واحد مبلغ كبير يودعه في البنك وانت خايف انه يدعى ان المبلغ اسرق منه - 00:04:19  
اواعي يتتشل منك في التوبيس. خد تاكسي وما تاخدش اتوبيس ليه عشان خاطر من دلوقتي بتقطع عليه الطريق انه يدعى الادعاء  
ده وبعد كل ده يتتشل ويرجع يقول لك ايه! ركبت التوبيس واتتشل - 00:04:35  
ده يعني بيقى اهيل بقى لان المفروض ان العذر ده اصبح خلاص غير مقبول. كعزر سواه حصل او ما حصلشى في الحقيقة هو تم  
التحذير منه فاقرا معى الاية تلتاشر تاني - 00:04:49

قال اني ليحزنني لو حصل انكم اخدتوه هزعل جدا لا يحزنني لا من التوكيد هتدخله على قلب ابوكم الحزن لمجرد انكم تاخدوه. ده  
هو مش يحزن انه يضيع. لأن قال اني لا يحزنني ان تذهبوا به - 00:05:04  
ليه؟ واخاف ان يأكله الذئب وانت عنده غافلون. السبب في زعلى هو انه ممكن يتعرض لخطر الذئاب انت مش واخدين بالكم منه وده  
شيء وارد ما انت مش هتقعدوا له زي دبابات - 00:05:25

اقرا الاية اربعناشر قالوا لان اكله الذئب ونحن عصبة. انا اذا لخاسرون الحقيقة طبعا ده اسلوب خسيس لان هم كانوا بيقولوا ابوانا  
غلطان وفي ضلال مبين ليه؟ علشان مش بيحبنا احنا اكتر من يوسف واخوه لان احنا عصبة - 00:05:43  
ده احنا عصبة احنا عشرة. احنا قوة استخدموا نفس السبب اللي كانوا شايفينه المفروض يحبهم علشانه. استخدموه في اقناعه  
وخداعه انه يسلّمهم اخوه انت تقصد ايه اقرا ارجع للاية تمارين - 00:06:07  
الاية تمانية بتقول ايه؟ اذ قالوا ليوسف واخوه احب الى ابينا منا ونحن عصبة ان ابانا لفي ضلال مبين. ده احنا عوفنا. يروح يحبهم  
هم. بصوا في الاية اربعناشر. قالوا لان اكله الذئب ونحن عصبي - 00:06:28

انا اذا لخاسرون السبب اللي المفروض يحبهم عشانه هو السبب اللي قدروا يخدعوه به قالوا لان اكله الذئب ونحن عصبة. انا اذا  
لخاسرون. ده لو كلوا الدبب واحنا على فكرة الذئب بتقال الذئب عند ورثة - 00:06:45  
اه لو اكلوا الدبب واحنا بالعدد ده وبالقوة دي وهو معنا ده احنا ما ما نقاش رجاله احنا عزبة ازاي؟ ده احنا ما نقاش رجاله. انا اذا  
لخاسرون. ده احنا نبقي عالم فشلة - 00:07:05

بيقى المجرم مستعد ان يطلع نفسه فاشرل ويطلع نفسه اهيل علشان يخفي نواياه الاجرامية وانت فاكر الموزف لما يرجع يقول لك  
ركبت برضه التوبيس واتتشلت وهو كذاب وسرق الفلوس. هو بيطلع نفسه ابدا - 00:07:22  
ارحم من حرامي المهم انتهى كده المشهد بتاع المؤامرة. وبدأ مشهد الجريمة. اقرا معى الاية خمستاشر. فلما ذهبوا به واجمعوا اليه  
 يجعلوه في غيابة الجب واوحينا اليه واوحينا اليه لتنبئنهم بامرهم هذا وهم لا يشعرون - 00:07:38  
فلما ذهبوا به به ازاي؟ اذا كان ابوه مش موافق هل هم خدوه بدون علم ابوه؟ ولا خدوه غصب عن ابوه؟ ولا اقنع ابوه نعرف منين؟  
القرآن سكت عن هذه الجزئية لغاية الاية اربعة وستين - 00:08:08

اطلع بقى دلوقتي هات لي الاية اربعة وستين. علم على الصفحة وروح للاية اربعة وستين اربعة وستين بعد ما يوسف اصبح عزيز  
مصر بعد عشرات السنين اتعلمل فلاش باك للحزة دي وشرح لنا ازاي يوسف خرج معهم - 00:08:29  
اقرا اربعة وستين وشف لما طلبوه انه يرسل معهم بنiamين اخو يوسف مناهم علشان ياخدوا التموين من مصر قال لهم سيدنا يعقوب  
قال هل امنكم عليه الا كما امنتكم على اخيه من قبل - 00:08:48  
انا استأمنتكم على اخوه ازا سيدنا سيدنا يعقوب وافق وادله يوسف واتشجع لما استأمنتهم عليك قال لهم اخوكم امانة في رقبتكم.  
لذلك هم خانوا الامانة من غير المقبول ابدا انا نقول ان - 00:09:08

الناس دي بعد ما كابت بقت انبياء لان الفطرة فاسدة خالص حسودين ومتآمرين وكزابين ومخادعين وخائنين للامانة عايزين ايه؟ ده كويس قوي ان ربنا يقبل توبتهم لكن يبقو انبياء كمان ده كلام غير مقبول. وفيه اسأة لمفهوم النبوة بل اسأة للذات الالهية. الله سبحانه وتعالى يبختار - [00:09:31](#)

وفي الانبياء من بين البشر. ما فيش ناس محترمة عشان يختاروا ده امر غير مقبول تماماً ان نقول الناس دي بقت انبياء بعد كده والحمد لله يعني معظم المفسرين ومعظم العلماء ان لا يمكن يكون انبياء. مهما كان بقى مين بقى يقول لنا انهم انبياء بقى بني اسرائيل مش بني اسرائيل؟ مش ممكن دي تكون انبياء ابداً. طيب - [00:09:56](#)

ارجع لآخر خمسة اشر بس شف القرآن بيشد اعصابك ازاي ناحيته يعني القرآن بصراحة كده بيكرهنا فيهم في اول الصورة. بص في اخر الصورة هيصعبوا عليك لما يتوبوا ويهلخلوا في التوبة على فكرة - [00:10:17](#)

بس شف القرآن بيشد اعصابك ازاي. وبيشد مشاعرك ازاي لآخر مش مطلوب ان مشاعر الكره عندك تروح. بس مطلوب ان هي تبقى في الاتجاه الصح. انك تكره الباطل. تكره الشر. مش مطلوب من مشاعر الغيظ عندك تروح. بس مطلوب - [00:10:33](#)

في الاتجاه الصح. تتغاظ من الخيانة. تتغاظ من الباطل. مش مطلوب من مشاعر الحب عندك ما تقاش موجودة. لكن المفروض تكون على الترک الصحيح تحب الحق وتحب الخير ما تحب - [00:10:49](#)

وهكذا. فالقرآن بيدرب المشاعر بتعارتك تنمية بشرية هو دي التنمية البشرية الحقيقية بقى مش الدجل اقرا معي الاية خمسة اشر فلما ذهبوا به واجمعوا ان يجعلوه في غيابة الجب واوحينا اليه لتبينهم بامرهم هذا وهم لا يشعرون - [00:10:59](#)

واجمعوا ان يجعلوه في غيابة الجب كان في خلاف بينهم يعملوا فيه ايه يقتلوه ولا يتوجهوا او يطروحوه ارضاً ولا اقتراح واحد منهم انهم يحطوه في الغيابة يعني في التجويف اللي اعلى الجب اللي هو بين الارض وبين الماء - [00:11:25](#)

والجوب قلنا بئر غير محظوظ بالاحجار. بير مش مبني واضح من الاية انهم كلهم اتفقوا على الاقتراح الثالث واجمعوا ان يجعلوه في غيابة الجب هل عملوا كده فعلاً؟ القرآن بيبيك عن هذه التفاصيل وبينقل بسلامة غريبة للاحادث اللي بعدها وبيسبيك تستند - [00:11:47](#)

يقول لك اجمعوا انهم يحطوه. ما قال لكش ان هم حطوه تستنتج بسلامة خمسة اشر فلما ذهبوا به واجمعوا ان يجعلوه في غيابة الجب ونقل على طول لربنا اوحي له واوحينا اليه لتبينهم بامرهم هذا وهم لا يشعرون - [00:12:13](#)

يعني عملوها ورمي اخوهم في التجويف بتاع الجوب فعلاً بس رب ثبت قلب الطفل واوحي له وهو طفل في سن صغير اثبت هيبيجي يوم تفكيرهم باللي عملوه فيك يعني هنصرك ولو بعد حين. اثبت. تخيلوا بقى رحلة المعاناة والتعب بتاعة سيدنا يوسف بتبدأ من هنا بس بتبدأ بتثبيت - [00:12:35](#)

ربنا ازاي ما يثبتش وربنا اللي مثبته مع اخوه يوسف دول هيجبوا لي حاجة هيجبوا لي الضغط. انا عندي ضغط اصلاً. فلما ذهبوا به واجمعوا ان يجعلوه في غيابة الجب واوحينا اليه - [00:13:05](#)

لتتبينهم بامرهم هذا وهم لا يشعرون. لا تحزن يا يوسف ربنا ببيثبت مين بالكلام ده يا جماعة فكروا بثبت سيدنا محمد عليه الصلاة والسلام اللي بعد سنتين اتنين هيلاقي نفسه في الغار والكافار برة رجليهم باينة من عنده بيبحثوا عنه عشان يقتلوه - [00:13:26](#)

ويقضوا على الدعوة فثبتت الله لي يوسف سبت النبي محمد صلى الله عليه وسلم في الغار فثبت هو ابو بكر الصديق وقال له ايه؟ لا تحزن ان الله معنا التدبر يقول لي ايه؟ اثبت انت كمان - [00:13:49](#)

اذا كنت مؤمن واذا كان الله معك اذا كان الله معك فلا تحزن لا تحزن النهاردة بنت من بناتي كلمتني قالت لي ادعني لبابا هو في مشكلة كبيرة وخدوه وعن عمره ما كان له اي نشاط ولا اي انتماء بس هو طيب او - [00:14:09](#)

يساعد الناس كلها تقول لها ربنا لا يريد ان هو يضيع منه هذا الثواب عشان ما عندوش اي نشاط فحتى لو هو ما لوش دعوة بحاجة ربنا خلى له نصيب في هذا الثواب - [00:14:30](#)

ربنا خلى له دعوة عشان ما يفوتوش هذا الثواب ما نكرهش حاجة ابداً لا نحزن ابداً. ربنا يفرج عنه يا رب وعن كل مظلوم المهم انتهى

مشهد الجريمة. وبأ مشهد الكذب ودموع التماسيح - 00:14:45

اقروا بقى خدوا دوا للضغط ولا اي حاجة عشان اللي جاي بقى هيشتمنا هيشنلي الاية ستاشر وسبعتاشر وجاءوا اباهم عشاء يبكون قالوا يا ابانا انا ذهينا نستبق وتركنا يوسف عند متاعنا فاكله الذئب وما انت بمؤمن لنا ولو كنا صادقين - 00:15:03

انتظروا لغاية ما النهار خلص ما هو راح بقى الصبح اول ولد وراحوا راجعين ورجعوا بقى بالليل على العشاء وجاءوا اباهم عشاء بالليل كده والدنيا منيلة بقى خلاص وهينام ورجعوا له بيبكونو وبيحبوكم التمسيلية بيبكون وحرام - 00:15:30

وجاءوا اباهم عشاء يبكون ما عندهمش مشكلة. ان شكلهم بيقى اهبل بس ما ييقاش شكلهم مجرم. قالوا يا ابانا انا ذهينا نستبق وتركنا يوسف عند متاعنا فاكله الذئب وما انت بمؤمن لنا ولو كنا صادقين - 00:15:49

قال ايه راحوا يعملوا سباقات وتركوا اخوهم اللي ابوه ما كانش راضي يسيبهم لهم الا لما استقبلهم عليه واكدوا له مليون تأكيد انه في عينيهما الاثنين سابوه لوحده ياخد باله من الامتعة - 00:16:08

وما راحش يلعب معكم ليه ؟ انت مش قايلين ارسله معنا غدا يرتع ويلاعب! تقوموا تروحوا انتم تلعبوا سباقات وتسبيوه! انت واخدينه عشان يحرسوا ما قلتوش تابوه كده ما قلتوش طبون يا اخوان وهاته عشان يحرس المتاع بتاعنا - 00:16:22

انتم هيرتع وهيلعب. ادي اول حاجة اللعب ما خدتهوش معكم. هو اصلا ما حصلش لعب ولا حاجة. ده هم بيذهروا على حقيقتهم في كلامهم انتم واخدينه حارس عشان كده سيدنا يعقوب اصلا مش مصدقه. يعني بصوا على الاية تمنتasher يروح كده الاية تمنتasher - 00:16:38

قال بل سولت لكم انفسكم امرا ممكن تكون دي الحقيقة ولا حاجة من اللي تعهدتم بها عملتوها لا يرتع ولا يلعب هو فيه ايه ان له لحافظون. فين الحفظ بل ده الحادس اللي انت بتدعوا ان حصل له هو بالضبط اللي انا حزرتكم منه. انا قلت لكم خايف يأكلوا الذئب. جاين قولوا لي اكلوا الذئب - 00:16:57

قالوا يا ابانا اقرا سبعتاشر معي. قالوا يا ابانا انا ذهينا نستبق وتركنا يوسف عند متاعنا. فاكله الذئب وما انت بمؤمن لنا ولو كنا صادقين. بيسبقو اقبل ما يقول لهم يا كدابين ويقولوا له احنا مقدرين انك مش هتصدقنا. لو - 00:17:23

ما صدقتناش احنا متفهمين ليه مش هتصدقنا ؟ وما انت بمؤمن الا انا. انت مش مش هتصدق ولو كنا صادقين بالرغم ان احنا صادقين انت مش هتصدقنا ؟ واحنا متفهمين الحقيقة - 00:17:42

يعني اعصابك وبنعزرك لو ما صدقتناش. يا سلام الاية تمنتasher وجاؤوا على قميصه بدم كذب قال بل سولت لكم انفسكم امرا فصبر جميل والله المستعان على ما تصفون دبحوا شاة ولا حاجة وعاصوا قميصه بالدم بتاعها. وجابوه لابوهم ده من كذب - 00:17:57  
يعني الدم مش حقيقي ان هو دمه. سيد قطب بيقول في الزلال دم كذب يعني غير متقن واضح ان هو مش دمه. فيه روايات بتقول انهم نسوا يقطعوا القميص - 00:18:23

فبقي ايه يعني ايه ذئب ايه ده اللي بيأكل واحد من جوة القميص من غير ما يقطع القميص. بس ما فيش دليل على كده. وانا بصراحة ضد الروايات السازجة اللي دايما تطلع الانسان الشرير - 00:18:33

انه سازج وغبي احنا بنخدع نفسنا بالكلام ده يا جماعة. الاشارات مش اغبيا مش طول النهار نعمل فيديوهات عن الاشرار نطلعهم هبل واغبيا. والله احنا بنخدع نفسنا بكتده. الانسان المخادع ما هواش سازج وما هواش غبي. هو مخادع. هو ما عندهش - 00:18:43

لكن مش مش سازج ومش غريب. فانا ضد الكلام ده الحقيقة طالما ما فيش عليها دليل من القرآن والسنة انا بقى بفلتر الحاجات دي على طول ما عنديش مشكلة في ان يكون في حاجة من الاسرائيليات بس يكون معقوله وما تكونش ضد الدين - 00:19:00

ان الرسول صلى الله عليه وسلم قال آآ حدثوا عنبني اسرائيل ولا حرج. بس قال ولا تصدقوهم ولا تكذبواهم بقى انا ممكن اخد الروايات الاسرائيلية او الروايات بتاعةبني اسرائيل - 00:19:15

كادع بيدعم الحكاية عندي بس انا الحقيقة بقى اللي فارق معي حاجة تانية خالص. ما اعرفش ليه ما حدش اتكلم فيها اللي فارق معي نقوم راجعين بالقميص جا لكم قلب - 00:19:27

سيب اخوكم في الصحرا في بير وكمان مقلعين هدومه ده المجرم العادي لو عنده شوية دم كان هيسيب له بطانية معه. انتم حتى تقلعوه وتسبيوه عريان من غير قميص ده معناه على فكرة يا عمي هو ما كانش زمان فيه بنطلونات. فالقميص يعني هو قاعد بالداخلي خلاص - 00:19:44

او عى تكون فاكرين ان فيه قميص كان راس قميص وبنطلون لأن قاعد خلاص بالملابس الداخلية اللي على الجسم على طول وخلاص لكن قلعوه هدومه وخدوا هدومه ده معناه انهم حتى يعني ده اكيد بقى كمان ما سابوش معه اكل ده اكيد. يعني هم فعلا كانوا عايزينه يموت. يا يموت من الجوع يا يموت من البرد بس ما يبقاش هم اللي قتلوه - 00:20:05

او بقى تيجي القافلة تاخده خلي بالك القصة القرآنية عمالة تشد اعصابك من ناحيتهم جدا. جدا ودي كلها تربية بعد ما تقرأ ده و تستشعر ده وتتذمّر ده. هل معقول انت تخون؟ بعد كل ده؟ هل معقول انت نفسك تخادع بعد كل ده؟ لا. القرآن مربي. بيربي بيخليلك تبص من برة - 00:20:27

على المخادع ازاي يعني خسيس طبعا ان شاء الله هم هم بعد كده طبعا تابوا ربنا ان شاء الله قبل توبتهم. وكل حاجة وعلى راسنا لكن في الوقت ده حاجة في منتهى الخسدة الحقيقة. فيخليلك تبص - 00:20:52

على على الخداع وتحتقر الخداع والمخادعين عشان انت نفسك تتربي وجاؤوا على قميصه اقرا معي جاي تمنتاشر. بدم كذب. قال بل سولت لكم انفسكم امرا يا صبر جميل والله المستعان على ما تصفون - 00:21:08

فصبر جميل صبري ايه اللي جميل الصبر صعب جدا عشان كده اكتر حاجة عليها ثواب هي الصبر يا جماعة في سورة الانعام من جاء بالحسنة فله عشر امثالها يبقى الحسنات بعشر اه امثالها - 00:21:28

لكن ثواب الصبر ايه لانه في سورة الزمر انما يوفى الصابرون اجرهم بغير حساب ليش معنى الصبر سوابه كبير او ي او اكبر من اي حاجة لانه صعب. لان الصبر صعب لان الصبر شديد - 00:21:48

طب انت داخل على امتحان مهم دلوقتي. ركز معنی في الحنة دي انت داخل عشان تفهم ليه سيدنا يعقوب قال الصبر جميل. صبر ايه اللي جميل؟ الصبر شديد هل صبر جميل - 00:22:07

انت دلوقتي داخل على امتحان مهم جدا وامتحان مصيري لازم تنجح فيه اقعد تقول نفسك امتحان هييجي صعب. الامتحان هييجي صعب. انا عارف الامتحان هييجي صعب. هتبوز اعصابك وتخش تسقط - 00:22:18

لكن بالعكس هون على نفسك وتفاعل وقل الامتحان هييجي سهل بازن الله مليون واحد امتحنوا قبل كده ونجحوا سهل ان شاء الله. هقدر عليه بازن الله. سيدنا يعقوب داخل على فترة صعبة جدا - 00:22:32

على قلب اي انسان فقد الولد يا ريته حتى عارف انه مات. لأ ده اللي ابنته مفقود ومش عارف هو عايش ولا ميت بعد فترة بيتمنن يعرف انه مات حتى عشان يستريح - 00:22:49

فهو في الفترة دي يحتاج صبر شديد جدا. والصبر امتحان صعب او يدخل بيبيص للشيف الايجابي ايه؟ فصبر جميل بدأ ينظر للجوانب الايجابية المشجعة على النجاح في امتحان الصبر بعض المفسرين قالوا - 00:23:03

الصبر الجميل هو الصبر بدون شكوى يعني الانسان اللي في مصيبة وكل ما يشوف حد يقعد يشتكي له يقول له يا صابر هنعمل ايه بقى الحمد لله بس يا اخي كزا وكزا ويقعد يقعد يشتكي ده ما اسمه هشام صبري جميل - 00:23:27

الصبر الجميل واضح في الاية ستة وثمانين. اطلع للایة الستة وثمانين ستة وثمانين اطلع لستة وثمانين. اسمع الكلام بقى. اطلع ستة وثمانين قالت انما اشكو بثي وحزني الى الله واعلم من الله ما لا تعلمون. لا اشكو الا الله - 00:23:41

يبقى لما تشكوا همك لشخص بيكرهك فانت بتخلية يفرح فيك في قلبك ليه تفرحة ولما تشكوا همك لشخص بيحبك انت بتدخل الحزن على قلبك. طب ليه تحزن واحد بيحبك - 00:24:03

ولما بتشكوا همك لشخص انت اصلا مش فارق معه. انت بتتضيع وقتك. فتشكو همك اصلا للناس ليه؟ اشك همك لله بث همومك واحزانك واشتكي لربنا لكن لما تشكوا ابتلاءات ربنا للناس - 00:24:20

ده كانك بتشتكي ربنا للناس سيدنا يعقوب قال الكلمة دي تاني في الاية ثلاثة وثمانين. اطلع لثلاثة وثمانين لما بلغونا ابناوا بنيامين اتحجز في مصر بتهمة السرقة اتفتش. هات الاية ثلاثة وثمانين - 00:24:40

قال بل سولت لكم انفسكم امرا فصبر جميل. تاني قالها عسى الله ان يأتيني بهم جميعا. المرة دي هم كانوا صادقين ان بنيامين فعلا اتمسك في مصر. بس فقدوا مصاديقهم خلاص - 00:24:56

كرزهم وقتها وهم صادقين نرجع نخلص الاية تمنتasher يلا عشان نخلص النهاردة ارجع لاي تمنتasher دوختكم النهاردة فصبر جميل والله على ما تصفون لم اطلب العون على المصيبة اللي انت بتحكوها لي دي - 00:25:12

من احد الا الله وهو خير معين التوكل على الله يا جماعة هو سر النجاح في الدنيا وهو سر النجاح في امتحان الصبر. وانت هتتصبر ازاى وتقدر تصبر من غير ما تكون متوتر - 00:25:33

توكل على الله بالتوكل تستطيع ان تصبر. وبالصبر تستطيع ان تجتاز الامتحان. نتوقف هنا باذن الله اللهم انا نسألك حبك وحب من يحبك وحب كل عمل يقربنا الى حبك. اللهم ما رزقتنا ما نحب فاجعله قوة لنا فيما تحب - 00:25:47

وما زويت عنا مما نحب فاجعله فراغا لنا فيما تحب اللهم اجعل حبك احب اليها من اهلينا واموالنا ومن الماء البارد على الظما اللهم حبنا اليك والى ملائكتك وانبيائك ورسلك وعبادك الصالحين واجعلنا من يحبك ويرحب ملائكتك وانبيائك - 00:26:08

ورسلك وعبادك الصالحين اللهم احبي قلوبنا بحبك واجعلنا لك كما تحب. اللهم اجعلنا نحبك بكل قلوبنا. ونرضيك بكل احساننا اللهم اجعل حبنا كله لك وسعينا كله في مرضاتك اللهم اجعل القرآن الكريم ربيع قلوبنا ونور صدورنا وجلاء احزاننا وذهاب همومنا وغمومنا ومغفرة ذنوبنا - 00:26:31

اسأل الله العلي العظيم ان يجعل هذا التدبر في ميزان حسناتي وحسناتكم اللهم انك تعلم ان هذه القلوب قد اجتمعت على كتابك وعلى محبتك والتقت يا ربنا على طاعتك وتوحدت على دعوتك وتعاهدت على نصرة شريعتك. فوثق اللهم رابطتها. وادم - 00:27:00

واهدنا سبلها واملاها بنورك الذي لا يخبو. واشرح صدورها بفيض الایمان بك وجميل التوكل عليك فيها يا ربنا بمعرفتك وامتها على الشهادة في سبيلك. انك نعم المولى ونعم النصير. والسلام عليكم ورحمة الله وبركاته - 00:27:23

ونراكم غدا باذن الله ان كنا من اهل الدنيا - 00:27:43